

大清世宗憲皇帝實錄



大清世宗敬天昌運建中表正文武英明寬仁
信毅大孝至誠憲皇帝實錄卷之四十

監修總裁官光祿大夫經筵講官太保議政大臣保和殿大學士兼兵部尚書總理兵部事三等伯加十五級臣鄂爾泰

總裁官光祿大夫經筵日講官起居注太保兼太子太保保和殿大學士兼戶部尚書仍兼管吏部尚書翰林院掌院事

三等伯加十三級臣張廷玉光祿大夫經筵日講官起居注太保議政大臣武英殿大學士兼工部尚書仍兼管翰林

院掌院事加二級臣福敏光祿大夫經筵講官太子太保東閣大學士兼禮部尚書加六級臣徐本光祿大夫經筵講

官議政大臣協辦內閣大學士事務禮部尚書仍兼管太常寺鴻臚寺事臣三泰等奉

敕修

土雍正四年丙午春正月甲午朔。

上詣五四年丙午春五月甲午降

堂子行禮。回宮。拜

神畢。御殿。王以下。文武各官外藩王。及使臣等

上表朝賀。○朝鮮國王李昫遣陪臣金興嗣
等表賀冬至元旦

萬壽節。及進歲貢禮物。賞賚如例。○是日賜諸

王。貝勒。貝子。公。內大臣。侍衛。文武官員。及朝

計正外藩蒙古王。貝勒。貝子。公。額駙。台吉。塔布

大囊等宴。朝鮮國陪臣等。及諸王屬下。凡有頂

祖帶官員一體與宴

上御殿羣臣獻酒畢。命蒙古親王等至陳翼。及御座前授爵賜飲。其餘王貝勒以下。令侍衛等分觴授飲。諸樂並作。以昭盛典。○諭理藩院皇考大事三年禮成。茲朕初慶元旦。外藩王貝勒貝子。公額駙。台吉。塔布囊。及使臣等。俱應上賞。賜阿霸垓貝子德木楚克翁牛特貝子鄂齊爾。科爾沁公烏爾呼滿爾。台吉小鄂齊爾等。俱係年老之人。著從優賞賜。○乙未。召內

大臣滿漢大學士尚書侍郎八旗都統副都統內閣學士內廷翰林等賜宴於乾清宮。

上諭曰今日君臣同堂合宴海宇承平上下和樂皆我

聖祖仁皇帝深仁厚澤之所畱貽也豈能暫忘思慕之情豈敢稍弛警惕之念乎朕之才德遠不及我

皇考今萬幾殷繁一人識力有限用是朝乾夕惕晷刻靡寧仰惟

祖宗付託之重。下念萬民待澤之殷。全賴爾諸臣同心一德。輔佐朕躬。使庶政無不就理。兆民無不被澤。以成熙熙皞皞之風。此朕所深望也。夫移風易俗。端於大臣是賴。自古人臣之誼。公爾忘私。不可有游移瞻顧之心。黨援朋比之習。每見徇私不法之人。好爲夤緣。互相請託。揆之於義。則請託實爲可羞。而度之於命。則請託究屬無益。且積習相沿。遂成風俗。旣爲子弟親戚營求作弊。是教之不以正。

矣。何足爲其師範。徒使子弟親戚有所恃以
無恐。終歸於壞品喪志。不能上進。其害可勝
言哉。朕於爾諸臣。實以股肱手足一體相視。
爾諸臣亦當公忠體國。視君上如元首腹心。
若悠悠忽忽。安於習俗。而不知奮發鼓勵。爾
諸臣自待居何等耶。况朕在藩邸。閱歷四十
餘年。人情世態。無不周知。亦非可以欺隱朦
蔽者。如年羹堯。隆科多。營私挾詐。深負朕恩。
不旋踵而事事敗露。爾諸臣自度才幹伎倆。

未必能如彼二人。若營私自便。稍有不檢。不惟薄待其身。兼懼罹於國法。尚可立身朝端。爲衆人之表率耶。從來朋友箴規一言。尚當聽受。况君上乎。朕諄諄誥誡者。無非欲爾諸臣各矢公心。盡除私意。如果能時時仰體朕訓。彼此互相勸勉。則天下之人。觀感變化。而風俗盡歸於醇厚。爾諸臣之身家子孫。亦並受其福矣。諭畢。隨各頒賜

聖祖仁皇帝御批通鑑綱目各一部。蟒緞貂皮。

合色等物○賜蒙古王。貝勒。貝子。公。額駙。台吉。塔布囊等。銀幣有差○丙申。順天府進春○諭內閣。何國宗等。所奏運河情形。甚爲明晰。但督理工程。帑委之地方官。恐其因循遲誤。若特差官員前往。又恐呼應不靈。且不得其人。轉滋煩擾。朕意將沿河州縣。俱揀選賢能之員補用。果能實心任事。即著加恩議叙。似於地方工程。均有裨益。著九卿速議具奏。尋議。沿河有應修工程之州縣。請令該督撫。

會同總河。副總河等。於所屬州縣官內。揀選
熟諳河務者。保題引見調補。如果實心任事。
著有功績。題請議叙。以示鼓勵。從之。○命再
發通倉米十萬石。運至天津。加賑直隸霸州
保定等七十五州縣水災饑民。○丁酉。諭諸
王滿漢文武大臣等。允禩平日居心詭詐。行
事乖張。從前罪犯多端。不可悉數。朕不忍執
法治罪。令其居住西寧。望其醒悟改悔。乃怙
惡不悛。詭詐如故。其門下親信之毛太。佟保

將編造字樣之書信。縫於驛夫衣襪之內。寄往西寧。被九門捕役拿獲。該提督奏聞。朕見體製怪異。有類西洋字跡。因遣人詢問西洋人。據西洋人稱。此種字體。亦不能識認。朕因遣人詢問允禔之子弘暘。據弘暘稱。去年十一月。佟保來京。我父親寄來格子一張。令我學習。照樣繕寫書信。寄去。我向佟保學會了。因此照樣寫信。寄往等語。從來惟敵國之人。差遣姦細往來。偷傳信息。造作隱語。防人知

覺允禩在彼。朕何曾禁其寄書。亦未禁其往來之人。若果安分守法。則所寄書無不可以令人共見。何至於別造字體。巧編格式。暗藏衣襟之內。居然爲敵國姦細之行耶。前朕見允禩諸子中。惟弘暘尚覺老實。故留京料理伊之家務。不料其詭譎亦如此。允禩名下。應賠公項銀十三萬兩有零。乃假作窘迫之狀。百計遷延。而以所得揆叙之銀數百萬兩。帶往西寧。恣意費用。凡市買物件。不論貴賤。隨

人索價。即如數與之。以此要結人心。不知意欲何爲。即今毛太家中。搜出借券八十餘紙。其借與衆姓之銀至十萬餘兩。則允禩之窘迫與否。不問可知矣。又如從前楚宗至彼宣旨。允禩站立不跪。自稱出家離世之人。今觀造作字樣。暗通書信等事。出家離世之人。顧如是乎。允禩寄與弘暘書。擅用硃書。弘暘書信中。稱伊父之言爲旨意。種種不法之處。昭然。又如允禩曾寄信允禩。有事機已失之語。

洵足駭人聽聞。當時幸邀

天恩。備審席。供訴未盡。西寧必前之事。殊不

祖。皇考之靈。伊等不得肆其姦謀。乃伊等之福。儻

若機會不失。伊等首領。尚得保乎。毛太。佟保

六雅圖。那丹珠。雲敦。克什圖。俱係允禔親信

之人。允禔。允禔。允禔等。匪黨固結。人所共知。

佟保豈有不知之理。昨將佟保等。從出兵處

撤回。朕面下旨意詢問。允禔若有冤抑之處。

著即陳辯。若實在行止妄亂。亦著啟奏。并問伊等。或仍願在允禩處。或不願在允禩處。亦據實啟奏。伊等僉稱。允禩行止妄亂。我等願爲朝廷出力等語。朕因其陳奏。是以各授官職。今允禩造作字樣。行蹤詭秘。伊等竟不奏聞。情實可惡。著將毛太。佟保等。交與順承郡王。及蔡珽。拉錫。阿齊圖。查郎阿。高其佩。常明。公同審訊。其允禩未往西寧以前之事。朕不究問。自到西寧以後。如何妄爲。及何人管理。

聖此等書札之事。俱令據實供明。若仍隱匿不
行供出。立將伊等正法。○以原任工部右侍
郎年希堯為內務府總管。正黃旗蒙古副都
統永福署內務府總管。○戊戌。

上御西暖閣。召入諸王。貝勒。貝子。公。滿漢文武
大臣等。諭曰。今日凡我宗親及滿漢大臣。齊
集於此。廉親王允禩狂悖已極。朕若再為隱
忍。有實不可以仰對。○
聖祖仁皇帝在

天之靈者。朕在藩邸時。居心行事。公正無偏。諸兄弟待朕。亦皆恭順。不敢存欺慢之念。平日原無一毫嫌隙。此爾等所共知。亦允禩所深悉者。朕今日紹登大位。以天下一家。萬物一體爲心。豈於兄弟之間。反生芥蒂。有所刻求苛索耶。當時允禩希冀非望。欲沽忠孝之名。欺人耳目。而其姦險不法。事事傷。聖祖仁皇帝慈懷。以致忿怒鬱結。無時舒暢。康

熙四十七年冬。